

全漢三國晉南北朝詩

張祖翼著

全宋詩卷四

無錫丁福保仲祐編纂

詩府

貞靜園書

鮑照

一作昭字明遠東海人文詞瞻逸尤長於樂府始謁臨川王義慶貢詩言志擢為國侍郎遷秣陵令文帝選為中書舍人上方以文章自高頗多忌由是賦述不敢盡其才後臨海王子瑱鎮

荆州以為前軍參軍時江外諸王皆拒命子瑒敗遂遇害有集十卷

樂府

采桑

玉臺作采桑詩以下五言

季春梅始落女工事蠶作

女工樂府作工女

采桑淇洧間還戲上宮閣早蒲時結

陰晚篁初解籜

篁樂府詩集作竹

藹藹霧滿閨

霧或作雲滿或作灑

融融景盈幕乳燕逐草蟲

巢蜂拾花萼

萼宋刻玉臺作藥誤今從文苑英華

是節最喧妍

是或作景喧樂府詩集作喧誤

佳服又新爍歛歎對

迴途

歛樂府詩集作欽或作縣迴或作迥

揚歌弄場藿抽琴試抒思

抒樂府作紆或作佇

薦佩果成託承君

郢中美服義久心諾衛風古愉豔鄭俗舊浮薄虛願悲渡湘

虛樂府詩集作靈誤

空

賦笑灑洛

空樂府詩集作必誤灑字未詳樂府詩集作景亦誤疑為濟字之訛

盛明難重來

明疑作時

淵意為誰涸君其且

調絃桂酒妾行酌

代蒿里行

同盡無貴賤殊願有窮伸馳波催永夜零露逼短晨樂府註一作漏馳催永夜露宿逼短晨結集作

驅我幽山駕去此滿堂親虛容遺劍佩實樂府作美貌戢衣巾斗酒安可

酌尺書誰復陳年代稍推遠懷抱日幽淪人生良自劇天道與何人齋我長恨意歸爲狐兔塵

### 代挽歌

獨處重冥下憶昔登高臺傲岸平生中不爲物所裁埏門只復閉白蟻相將來生時芳蘭體小蟲今爲災玄鬢無復根枯體依青苔憶昔好飲酒素盤進青梅彭韓及廉藺疇昔已成灰壯士皆死盡餘人安在哉

### 代東門行

傷禽惡弦驚倦客惡離聲離聲斷客情賓御皆涕零涕零心斷絕將去復還訣一息不相知何況異鄉別遙遙征駕遠杳杳白善作日晚居人

掩閨臥行子夜中一作中夜飯野風吹草善作木行子心腸斷食梅常苦酸衣

葛常苦寒絲竹徒滿座憂人不解顏長歌欲自慰彌起長恨端

### 代放歌行

歌錄曰孤子生行古辭曰放歌行

蓼蟲避葵莖習苦不言非小人自齷齪安知曠士懷雞鳴洛城裏禁門  
平日開冠蓋縱橫至車騎四方來素帶曳長飈華纓結遠埃日中安能  
止鍾鳴猶未歸夷世不可逢賢君信愛才明慮自天斷不受外嫌猜一  
言分珪爵片善辭草萊豈伊白璧賜將起黃金臺今君有何疾臨路獨  
遲迴

代陳思王京洛篇玉臺作煌煌京洛行

鳳樓十二重樓藝文類聚作臺四戶八綺窗繡桷金蓮華桂柱玉盤龍柱古樂府作樹誤珠

簾無隔露露樂府詩集古樂府皆作路誤羅幌不生風生樂府作勝寶帳三萬萬萬樂府詩集古樂府皆作所為爾一

朝容揚芬紫煙上垂綵綠雲中春吹回白日霜歌落塞鴻但懼秋塵起

盛愛逐衰蓬坐視青苔滿臥對錦筵空琴筑縱橫散筑樂府詩集古樂府皆作瑟舞衣不

復縫古來皆歇薄皆樂府作共君意豈獨濃惟見雙黃鵠千里一相從

代門有車馬客行

門有車馬客問客樂府作君何鄉士捷步往相訊果得樂府作遇舊鄰里悽悽聲中

情慊慊增下俚語昔有故悲論今無新喜清晨相訪慰日暮不能已歡

戚競尋緒

樂府作諸註一作彼

談調何終止辭端竟未究忽唱分途始前悲尙未弭

後感

樂府作戚

方復起嘶聲盈我口談言在君

樂苑作我

耳手跡可傳心願爾篤行

李

代權歌行

羈客離嬰時飄飄無定所昔秋寓江介茲

一作今

春客河澣往戢于役身

願言

或作令

永懷楚泠泠條疏潭邕邕鴈循渚鸞戾長風振搖曳

樂苑註一作飄遙

高

帆舉驚波無留連舟人不躊躇

代白頭吟

直如朱絲繩清如玉壺冰何慙夙昔意

夙文選作宿

猜恨坐相仍人情賤恩舊

世議逐衰興

議宋刻玉臺作義古樂府作路今從文選

毫髮一爲瑕丘山不可勝食苗實碩鼠點

白信蒼蠅

點文選作玷

鳧鷖遠成美薪芻前見陵申黜褒女進

褒宋刻玉臺作哀誤今從文選

班去

趙姬升

升宋刻玉臺作昇誤今從文選

周王日淪惑漢帝益嗟稱心賞猶難恃

猶古樂府作同誤

貌恭

豈易憑古來共如此非君獨撫膺

代東武吟

主人且勿誼賤子歌一言僕本寒鄉士出身蒙漢恩始隨一作逢張校尉

占一作召募到河源後逐李輕車追虜窮一作出塞垣密塗亘萬里寧歲猶七

奔肌力盡鞍甲心思歷涼溫將軍既下世部曲亦罕存時事一朝異孤

績誰復論少壯辭家去窮老還入門腰鎌刈葵藿倚杖牧一作收雞豚善作

昔如韝上鷹今似檻中猿徒結一作積千載恨空負百年怨棄席思君幄

疲馬戀君軒願垂晉主惠不愧田子魂

代別鶴操

雙鶴俱起時徘徊滄海間長弄若天漢輕軀似雲懸幽客時結侶提攜

遊或作到三山青繳凌瑤臺丹羅樂府作羅樂苑作爐籠紫煙海上悲或作疾風急三山多

雲霧散亂一相失驚孤不得住緬然日月馳遠或作已矣絕音儀有願而

不遂無怨以生離鹿鳴在深草蟬鳴隱高枝心自有所存一作懷旁人那

得知

代出自薊北門行

羽檄起邊亭烽火入咸陽徵師選作騎屯廣武分兵救朔方嚴秋筋或作筋竿

勁虜陣精且彊天子按劍怒使者遙相望雁行緣石徑魚貫度飛梁簫  
鼓流漢思當作颺旌甲被胡霜疾風衝塞起沙礫自飄揚馬毛縮如蝟角  
弓不可張時危見臣節世亂識忠良投軀報明主身死爲國殤

代陸平原君子有所思行

西上登雀臺東下望雲闕層閣樂府作關肅天居馳道直如髮繡裳結飛霞

璇題納行樂府作明月築山擬蓬壺穿池類溟渤選色遍齊代集作岱徵聲匝

越陳鐘陪夕讌笙歌待明發年貌不可還樂府作留身意會盈歇蟻壤漏山

阿善作河絲淚毀金骨器惡含滿欵物忌厚生沒智哉衆多士服理辨昭

昧叶音末一作晰

代悲哉行明遠集載此樂府作謝惠連

鞞人感淑節緣感欲回轍樂府作次我行詎幾時華實驟舒結覩實情有悲

瞻華意無悅覽物懷同志如何復乖別翩翩翔禽羅關關鳴鳥列翔鳴

樂府作禽尙儔偶所歎獨乖絕

代陳思王白馬篇

白馬駢角弓鳴鞭乘北風要途問邊急雜虜入雲中閉壁自往夏清野

徑樂府註還冬僑裝多闕絕旅服少裁縫埋身守漢境一作節沈命對胡封薄

暮塞樂府註起飛沙被遠松含悲望兩都楚歌登四墉丈夫設計誤懷

恨逐邊戎棄一作罷別中國愛要一作邀冀胡馬功去來今何道卑樂府註賤生所

鍾但令塞上兒知我獨為雄

代昇天行

家世宅關輔勝帶宦樂府註王城備聞十帝事委曲兩都情倦見物興衰

驟覩俗屯平翩翩或作翻若樂府註回掌恍樂府註惚似朝榮窮途悔短計晚志重

長生從師入遠嶽結友事仙靈五圖樂府註發金記九籥隱丹經風餐

委松宿雲臥恣天行冠霞登綵閣解玉飲樂府註椒庭蹙遊越萬里少樂府註

別數千齡鳳臺無還駕簫管有遺聲何時一作當與汝樂府註曹啄腐共吞

腥

松柏篇并序

余患脚上氣四十餘日知舊先借傅玄集以余病劇遂見還開表適



見樂府詩龜鶴篇於危病中見長逝詞惻然酸懷抱如此重病彌時  
不差呼吸乏喘舉目悲矣火藥間闕而擬之

松柏受命獨歷代長不衰人生浮且脆歟若晨風悲東海迸逝川西山

導落暉南郭一作郊悅籍短蒿里收永歸諒無疇昔時百病起盡期志士

惜牛刀忍勉自療治傾家行藥事顛沛去迎醫徒備火石苦奄至不得

辭龜齡安可獲岱宗恨樂府作限已迫睿聖不得留爲善何所益捨此赤縣

居就彼黃墟宅永離九原親長與三辰隔屬纊生望盡闔棺世業埋事

痛存人心恨結亡者懷祖葬既云及壙塋亦已開室族內外哭親疏同

共哀外姻遠近至名列通夜臺扶輿出殯宮低回戀庭室天地有盡期

我去無還日居者今已盡人事從此畢火歇煙既沒形銷聲亦滅鬼神

來依我生人永辭訣大暮杳悠悠長夜無時節鬱湮樂府作烟重冥下煩冤

難具說安寢委沈寔戀戀念平生事業有餘結刊樂府作刑疑誤述未及成資儲

無擔樂府作甌石兒女皆孩嬰一朝放捨去萬恨纏我情追憶世上事束教

已樂府作以自拘明發靡怡愈樂府作念樂苑作念久樂府作夕歸多憂虞轍樂府作撤閒晨逕荒樂府作流撤

樂府作宴式酒濡樂府作知今瞑日苦恨失爾時娛遙遙遠民居獨埋深壤

中墓前人跡滅冢上草日豐空林樂府作響鳴蜩高松結悲風長寐無覺

期誰知逝者窮生存處交廣連楊舒華茵樂府作已沒一何苦楛哉不容

身昔日平居時晨夕對六親今日掩奈何一見無諧因禮席有降殺三

齡速過隙几筵就收撤室宇改疇昔行女遊歸途仕子復王役家世本

平常獨有亡者劇時祀望歸來四節靜瑩丘孝子撫墳號父兮樂府作知

來不欲還心依戀欲見絕無由煩冤荒隴側肝心盡崩抽

代苦熱行

赤阪橫西阻火山赫南威身熱頭且痛烏墜善作魂來樂府作歸湯泉發雲

潭焦煙起石圻一作日月有恆昏雨露未嘗晞丹蛇踰百尺玄蜂盈十

圍含沙射流影吹蠱或作行暉瘴善作氣晝熏體罔露夜霑衣饑猿

莫下食晨禽不敢飛毒涇尚多死度瀘寧具腓生軀蹈死地昌志登樂府

註一禍機戈船榮既薄伏波賞亦微爵善作輕君尚惜士重安可希

代朗月行

朗月出東山照我綺窓前窓中多佳人被服妖且妍靚粧坐帳一作裏

當戶弄清弦鬢奪一作衛女迅體絕飛燕先為君歌一曲當作朗月篇樂府

註一作堂上朗月篇酒至顏自解聲和心亦宣千金何足重所存意氣間

### 代堂上歌行

四坐且莫一作誼聽我堂上歌昔仕京洛時高門臨長河出入重宮裏

結友曹與何車馬相馳逐賓朋好容華陽春孟春月朝光散流霞輕步

逐芳風言笑弄丹葩暉暉朱顏酡紛紛織女梭滿堂皆美人目成對湘

娥雖謝侍樂府作詩疑誤君閑明粧帶綺羅箏笛更彈吹高唱好相和萬曲不關

心一作一曲動情多欲知情厚薄更聽此聲過

### 代結客少年場行

驄馬金絡頭錦帶佩吳鉤失意杯酒間白刃起相讐追兵一旦至負劍

遠行遊去鄉三十載復得還舊丘升高臨四關樂府註一作塞表裏望皇州九塗

平若水雙闕似雲浮扶宮羅將相夾道列王侯日中市朝滿車馬

若川流擊鍾陳鼎食方駕自相求今我獨何為埒壤樂府作轍輓懷百憂

扶風歌

昨辭金華殿今次鴈門縣寢臥握秦戈棲息抱越箭忍悲別親知行泣  
隨征傳寒煙空徘徊朝日乍舒卷

代少年時至衰老行已下五首  
樂府不載

憶昔少年時馳逐好名晨結友多貴門出入富兒鄰綺羅豔華風車馬  
自揚塵歌唱青齊樂苑作  
琴疑誤女彈箏燕趙人好酒多芳氣銷味厭時新今日  
每相念此事邈無因寄語後生子作樂當及春

代陽春登荆山行

旦登荆山頭崎嶇道難遊早行犯霜露苔滑不可留極眺入雲表窮目  
盡帝州方都列萬室層城帶高樓奕奕朱軒馳紛紛縞衣流日氛映山  
浦暄霧逐風收花木亂平原桑柘盈一作  
綿平疇攀條弄紫莖藉露折芳  
柔遇物雖成趣念者不解憂且共傾春酒長歌登山丘

代貧賤苦愁行

湮沒雖死悲貧苦即生劇長歎至天曉愁苦窮日夕盛顏當少歇鬢髮

先老白親友四面絕朋知斷三益空庭慙樹萱藥餌愧過客貧年忘日  
時黧顏就人惜俄頃不相酬慙怩面已赤或以一金恨便成百年隙心  
爲千條計事未見一獲運圯津塗塞遂轉死溝洫以此窮百年不如還  
窀穸

代邊居行

少年遠京

一作荆

陽遙遙萬里行

集作方

陋巷絕人徑茅屋摧山岡不覩車馬

迹但見麋鹿場長松何落落丘隴無復行邊地無高木蕭蕭多白楊盛  
年日月盡一去萬恨長悠悠世中人爭比錐刀忙不憶貧賤時富貴輒  
相忘紛紛徒滿目何關慨予傷不如一畝中高會挹清漿遇樂便作樂  
莫使候朝光

代邽街行

一作去邪行

竚立出門衢遙望轉蓬飛蓬去舊根在連翩逝不歸念我捨鄉俗親好  
久乖違慷慨懷長想惆悵戀音徽人生隨事變遷化焉可祈百年難必  
果千慮易盈虧

簫史曲

樂府作鮑照藝文作張華然此詩詞格不類晉人當以樂府為正

簫史愛長

樂府作少年

嬴女忝童顏火粒願排棄霞霧好登攀

樂府作霞好忽登攀

龍飛逸

一作竟

天路鳳起出秦關身去長不返簫聲時往還

王昭君

既事轉蓬遠心隨鴈路絕霜鞞旦夕驚邊笳中夜咽

吳歌三首

夏口樊城岸曹公却月成但觀流水還識是儂流下

夏口樊城岸曹公却月樓觀見流水還識是儂淚流

人言荆江狹荆江定自闊五兩了無聞風聲那得達

採菱歌七首

驚船馳桂浦息棹偃椒潭簫弄澄湘北菱歌清漢南

樂府註一作弄弦蒲湘北歌菱清漢南

弭榜牽蕙荑停唱紉

一作納

薰若含傷拾泉花營

樂府作案

念採雲萼

睽闊逢暄新悽怨值妍華秋心不可盪

樂府作殊不那

春思亂如麻

要豔雙嶼裏望美兩洲間裊裊風出浦容容

樂府作沈沈或作溶溶

日向山

全

末

詩

卷四

七

無錫丁氏校刊

煙曠越嶂深箭迅楚江急空抱琴中樂府作悲徒望近關樂府作泣

緘歎凌珠淵收慨上金堤春芳行歇落是人方未齊

思今懷近憶望古懷遠識懷古復懷今長懷無終極

幽蘭五首

傾輝引暮色孤景留思樂府作顏梅歇春欲罷期渡往不還

簾委蘭蕙露帳含桃李風攬帶昔何道坐令芳節終

結珮徒分明抱梁輒乖忤樂府作華落知不終空愁坐相誤

眇眇蛸挂網漠漠蠶弄絲空慙不自信怯與君書一作劉樂期

陳國鄭東門古今共所知長袖暫徘徊駟馬停路歧

中興歌十首

千冬遲一作逢一春萬夜視朝日生平樂府作值中興歡起百憂樂府作畢

中興太平運化清四海樂祥景照玉臺紫煙遊鳳閣

碧樓含夜月紫殿爭朝光綵池樂府作散蘭麝風起自生芳

白日照前窓玲瓏綺羅中美人掩輕扇含思歌春風

三五容色滿四五妙華歎已輸春日歡分隨秋光沒  
北出湖邊戲前還苑中遊飛縠繞長松馳管逐波流

九月秋水清三月春花滋千金逐良日皆競中興時

窮泰已有分壽夭復屬天既見中興樂莫持憂自煎

襄陽是小地壽陽非帝城今日中興樂遙冶樂府作治在上京

梅花一時豔竹葉千年色願君松柏心探照無窮極

代白紵舞歌詞四首并序○以下七言

侍郎臣鮑照啓被教作白紵舞歌詞謹竭庸陋裁爲四曲附啓上呈

識方洪悴思塗猥局言既無雅聲未能文不足以宣贊聖旨抽拔妙

實謹遣簡餘慙隨悚盈謹啓詞曰

吳刀楚製爲佩褱纖羅霧縠垂羽衣含商咀徵歌露晞珠履一作履 颯杏

紈袖飛淒風夏起素雲回車怠馬煩客忘歸蘭膏明燭承夜輝

桂宮柏寢或作梁擬天居朱爵文窓韜綺或作蹄 疏象牀瑤席鎮犀渠雕屏匠

鈿或作帳 匝組帷一作帳 舒秦箏趙瑟挾笙竽垂璫散珮或作綬 盈玉除停觴不御樂府



作欲誰須

三星參差霧樂府作露霑濕弦悲管清月將入寒光蕭條候蟲急荆王流歎或作

楚妃泣紅顏難長時易戢凝華結藻一作絲久延立非君之故豈安集

池中赤鯉庖所捐琴高乘去樂府一作雲騰飛上天命逢福世丁溢恩一作微命逢福丁溢恩

簪金藉綺升曲筵恩厚德深一作思君厚德委如山潔誠洗志期暮年烏白馬角

寧足言

代白紵曲二首

朱唇動素袖舉宋刻玉臺作素腕藝文類聚作素袖按晉白紵舞詞質如輕雲色如銀愛之遺誰贈佳人製以為袍餘作巾袍以光軀巾拂塵麗服在御會佳賓則素袖實切白紵玉臺

蓋不知古不忌白而誤改樂府詩集亦與藝文類聚同今從之 洛陽少年邯鄲女年樂苑作童古稱淥或作綠水今白紵催

絃急管為君舞窮秋九月荷葉黃北風驅雁天雨霜夜長酒多樂未央

春風澹蕩使思多使樂府作俠天色淨綠氣妍和桃含紅萼蘭紫芽桃含藝文類聚作含桃蘭樂府

朝日灼燦發園花一作葩卷幌結帷羅玉筵齊謳秦吹盧女弦千金一

笑買芳年一藝文類聚樂府詩集並作願誤

代鳴鴈行